

# LA CONTA DI RAT CHARVENSOD (RAFFAELLA LUCIANAZ)



## Padze 1

Eun passèn dézò an CLLÉNDA, eun RAT l'a itracha la PI.

## Padze 2

Lo rat va avouè lo CORDAGNÌ é lèi di :

« Cordagnì, soplé, reménda-mé la pi que n'i itracha eun pasén dézò la cllénda ! ».

« Bièn cheue ! » lèi repón lo cordagnì « Mi pe féye so, n'i fata di CREUN ».

## Padze 3

Lo rat va avouè lo GADEUN é lèi di :

« Gadeun, soplé, bailla-mé de creun pe lo cordagnì ! ».

« Bièn cheue ! » lèi repón lo gadeun « Mi pe féye so, n'i fata de FAÉNA ».

## Padze 4

Lo rat va avouè lo MOULINÌ è lèi di :

« Moulinì, soplé, bailla-mé de faéna pe lo gadeun ! ».

« Bièn cheue ! » lèi repón lo moulinì « Mi pe féye so, n'i fata de BLOU ».

## Padze 5

Lo rat va i TSAN é lèi di :

« Tsan de blou, soplé, bailla-mé de blou pe lo moulinì ! ».

« Bièn cheue ! » lèi repón lo tsan de blou « Mi pe féye so, n'i fata de DREUDZE, pe féye crèitre lo blou ».

## Padze 6

Lo rat va avouè la VATSE é lèi di :

« Vatse , soplé, bailla-mé tchica de dreudze pe lo tsan de blou ! ».

« Bièn cheue ! » lèi repón la vatse « Mi pe féye so, n'i fata de FEN ».

## Padze 7

Lo rat va i PROU é lèi di :

« Prou, soplé, bailla-mé de fen pe la vatse ! ».

« Bièn cheue ! » lèi repón lo prou « Mi pe féye so, n'i fata d'ÉVE pe féye crèitre l'erba ».

## Padze 8

É lo rat va i RI é lèi di :

« Ri, soplé, bailla-mé tchica d'éve pe lo prou ! ».

### **Padze 9**

Adón lo RI baille d'ÉVE i RAT que la pourte i PROU ;

é lo PROU lèi baille de FEN que lo rat pourte a la VATSE ;

é la VATSE lèi baille de DREUDZE que lo rat pourte i TSAN de blou ;

é lo TSAN de blou lèi baille de BLOU que lo rat pourte i MOULINÌ ;

é lo MOULINÌ lèi baille de FAÉNA que lo rat pourte i GADEUN ;

é lo GADEUN lèi baille de CREUN que lo rat pourte i CORDAGNÌ ;

é lo CORDAGNÌ lèi remende la PI que lo RAT l'a itracha eun pasén dézò la CLEENDA !